

SPECIMEN PHYSIOLOGICUM  
INAUGURALE

DE

GENERATIONE.

QUAM

ANNUENTE DEO TER OPT. MAX.

*Ex Auctoritate Magnifici Rectoris*

D. JOANNIS ALBERTI,

S. S. THEOLOGIAE DOCTORIS, EJUSDEMQUE FA-  
CULTATIS IN ACADEMIA LUGDUNO BATAVA  
PROFESSORIS ORDINARIJ,

NEC NON

*Amplissimi SENATUS ACADEMICI Consensu,  
& Nobilissimæ FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus, & Privilegiis rite,  
ac legitime consequendis,

*Eruditorum Examini submittit*

JACOBUS WELSH, SCOTUS.

*Ad diem 25. Novemb. 1748. hora locoque solitis.*

LUGDUNI BATAVORUM,  
Apud JOH. ARNOLDUM LANGERAK, 1748.



EBENEZERI GILCHRIST,

M. D.

A M I C O

S U O

MAXIME COLENDO,

OBSERVANTIÆ ET

GRATITUDINIS

ERGO

JACOBUS WELSH,

D. D.

WILLIAM L. GILBERT

M. D.

THE COMIC

OPERA

IN THREE ACTS

BY

WILLIAM L. GILBERT

AND

JACOBUS WILSON

OF





SPECIMEN PHYSIOLOGICUM

INAUGURALE

DE

## GENERATIONE.



niversa naturæ opera, tam pulchra nobis exhibent exempla artis, ingenii & sapientiæ supremæ, ut eorum contemplatio optimo cuique semper gratissima esse debeat: Nul-  
 libi autem hæc magis elucescunt, quam in  
 formatione hominis & cæterorum anima-  
 lium, & in mira facultate sui similem pro-  
 creandi, atque vitam aliis tradendi è qua  
 ipsi cito excessuri sint. Idque, hoc generationis ordine fieri  
 animadvertimus, ut pereuntibus quamvis individu-  
 is, permaneat tamen redintegrata species. Non potest ergo non nobis  
 contingere jucundissima ac utilissima de generatione anima-  
 lium, & præcipue hominis, inquisitio & investigatio.

## 6 SPECIMEN PHYSIOLOGICUM

Maxima hic sed longè gratissima occurrit rerum varietas; quamvis enim animalium omnium Generatio analogiam quandam inter se habeat, diversas tamen facies, diversis in speciebus induit. Homines cum plerisque animantibus brutis, viventes, eosque jam perfectos pariunt fætus; sunt vero alia animantia quæ primordium solum fætus, quod Ovum vocitamus, excludunt; unde decursu temporis, & variis circumstantiis novum prodit animal. Talia plerumque sunt Pennatorum, serpentium atque Insectorum Genera. Alia reperta sunt quæ miras easque insignes subeunt mutationes & quasi metamorphoses antequam perfectam induant parentis sui formam. Exemplum tandem habemus generationis singularis in Polyphis, qui vegetabilium more gemmas quasi protrudunt, in novum demum animal excrecentes. Latus certe Campus & jucundus, in quo naturæ eximii scrutatores multi laboraverê. Nobis saltem licet, pro finibus hic nobis prescriptis, de fætus humani Generatione pauca proferre.

Generatio ut fiat, opus est conjunctione maris & Fæminæ; Uterque huc suam symbolam conferre debent, sicut et concubitu contingit. Actio vel mutatio Fæminæ, qua, quod a mari generationi tributum est eo jungitur quod ipsa huic confert, ut ex his oriatur primordium communis prolis, vocatur conceptus. Multum inter se dissentiunt eruditi quidnam sit illud, quod mas, quod Fæmina generandæ proli conferant; quomodo contingat conceptus, & qua ratione se habeant futuri principia fætûs. Nec mirum sane id cuiquam videri debet. Subtilitas enim rerum atque abdita natura loci, in quo hæc perficiuntur, vel sagacissimi cujusvis ingenii aciem obtundere apta nata sunt: raro nobis contingit esse ita felicibus, ut locum conceptus in hominibus introspicere liceat; ut taceam vel ipsis præstantissimis microscopiis aliquid certi & solidi nondum adhuc detegere licuerit: Neque inter tot Hypotheses de primo conceptu excogitatas, aliquam repertam, quæ omnes numeros impleat. Infiniti esset fere operis Philosophorum & Medicorum de hac re diversas sententias omnes in medium ferre.

Inter



Inter antiquos primum fere locum obtinet Hippocratis iudicium; Ille (*a*) docet principium fætûs formari ex seminibus utriusque sexûs, tempore coitûs commixtis, & ex prædominio masculini vel fæminini seminis, marem vel fæminam procreari. His vero feminibus sic inter se mixtis, (Genituram jam appellat) obduci membranam intra quam singulæ fætûs partes efformantur & secure continentur: Genituram tali membrana obductam se vidisse narrat Hippocrates in Pſaltria, (*b*) cui consilio excussa fuerat paucis post conceptum diebus; Ait vero eam fuisse crudi instar ovi, cui exterius putamen detractum foret.

Aristoteles, (*c*) in hypothesin satis diversam iens, nil aliud fæminam conferre ad generationem putat, quam corpus & materiam; marem vero principium motus & formam præbere; Quum igitur semen maris in uterum fæminæ pervenit, (*d*) sanguinis menstrui partem purissimam constituere & coagulare, materiamque in utero paratam tali modo transmutare, donec aliquid fætûs inde fiat, quod, membrana obductum principium evadat animatum, se ipsum jam augens & gubernans, perinde ac filius a patre emancipatus, sui que juris factus. Cor vero, ex mente Philosophi, est hoc principium vitale, a quo postea incrementum & motus cæteris partibus accidit, a quo etiam ordo membrorum describitur, & quæcunque ad absolvendum animal pertinent, disponuntur: porro quærit, quonam pacto (*e*) semen masculinum causa ejus quod gignitur sit, utrum ut insitum & protinus inde pars corporis gignendi, mistum cum materia fæminæ; an semen nihil commune cum corpore habeat, sed motus, visque in ea contenta sit, quæ communicet? & huic postremo assensum præbet.

In his duabus opinionibus continetur, quidquid præcipuum ab antiquitate ad nos derivatum est. Ex his autem fat clare intelligitur neque Medicinæ Parentem nec ipsum  
Phi-

(*a*) Lib. de Genitur. & de Nat. pueri. (*b*) ibid. (*c*) De Generat. Animal. lib. 1. cap. XX. (*d*) ibid. lib. 2. cap. IV. (*e*) lib. 1. cap. XXI.

Philosophum quidquam nobis proposuisse certi & intelligi-  
 lili de prima generatione. Id tamen notari meretur, quod  
 uterque cognoverint illud, quod post conceptum primum  
 se manifestare solet sensibus in utero; nempe aliquid ovi-  
 forme quæ sensim increseat, fætumque in se contineat. Hip-  
 pocratem certe bene cognovisse & descripsisse clare discimus  
 è libro de natura pueri, in quo Psaltriæ istius, supra me-  
 moratæ, historiam narrat: ait enim, illam genituram suam  
 excussisse repetito saltu, quæ, obductâ membranâ, ovum  
 crudum cui testa detracta sit, referebat; per membranam  
 vero interiorem conspiciebatur inclusus liquor.

Quod vero ad Philosophum attinet, is etiam Testatur in  
 animalibus viviparis (a) Oviforme quiddam generari; humo-  
 rem quendam enim in membrana tenui contineri observat, pro-  
 inde ac si quis ovi testam detraxerit.

Constat itaque antiquissimis etiam temporibus jam cognitam  
 fuisse quandam analogiam inter ova oviparorum & fæmina-  
 rum conceptus; quam, latissimè obtinere Magnus Harvæus  
 extra omnem dubitationis aleam collocavit; è cujus de gene-  
 ratione animalium accuratissimis observationibus patet, vivi-  
 parorum primos conceptus eandem naturam & indolem ha-  
 bere cum oviparorum ovis; quum hominis vel aliæ alicujus  
 viviparæ embryo eodem plane modo in membrana illa dicta,  
 quo Pullus in ovo hæret. In eo tamen differunt quod ovum  
 oviparorum sit foris exclusum, ovum vero viviparorum sit  
 intus manens, donec fœtus debitam in eo perfectionem fue-  
 rit adeptus. Porro quo modo, ordine, ac ratione Pul-  
 lus ex ovo fabricatur & producitur, eodem pariter ex con-  
 ceptu oviformi præexistente viviparorum fœtus proveniunt:  
 attamen quod ovipara animalia sinu & incubatu, id vivi-  
 para utero & amplexu interiore præstant. Differunt etiam in  
 eo, quod, in ovo, quicquid ad constitutionem pulli ejusque  
 augmentum requiritur jam simul adsit; conceptus autem, post-  
 quam fœtus ex eo constitutus est, ad sui incrementum, plus  
 in-

(a) Aristot. de Gen. Animal. lib. 3. cap. IX. & Hist. Animal. lib. 7.  
 cap. X.



insuper alimenti ab utero matris trahat, atque una cum ipso fœtu augeatur: præterea ovo circumponitur Cortex durus, ut liber foret ab omni compressione, & injuriis externis quodammodo resisteret: conceptui vero nil simile opus fuit, quippe tutus intra parentis sinum reconditus, ubi flexibilitate sua, cavo quo hæret, melius etiam se accomodat. Vir Clarissimus oviparorum generationis Phænomena in Gallinaceo genere, viviparorum vero in cervis & damis attenta mente investigans plurima, quæ ætatem ferent, nobis reliquit: Quum vero generationem ex feminis maris & femellæ mixtura secundum Hippocratem, & generationem ex sanguine menstruo ut causa materiali, & semine masculino ut efficienti juxta Aristotelem rejiciat; videamus, an aliquid forte luculentius ipse nobis proposuerit.

Ex uteri & vaginæ gallinacæ naturâ impossibilis ei videtur feminis masculini (a) illuc ingressus, ut ovi aliquam partem constituere queat; ait enim neque in ovis fœcundatis vel additum vel mutatum quidquam se invenisse aliter, quam in subventaneis fieri consuevit, unde Galli semen subintrasse atque ovum tetigisse constaret. Quin etiam multas Cervas (b) & Damas dissecuit tam ante quam post finitum earum coeundi terminum; nec unquam tamen in uteri cavitate vel in ejus cornibus semen, sanguinem, vel alterius cujusvis rei ullum vestigium per plures dies reperire potuit: hinc concludit, nihil a fœmina nihil a mari, tempore coitus vel (c) mox postea, uterum ingredi, unde materia, embryonis aliquid subito constituendi suppeditaretur: nec quidpiam statim a coitu in utero reperiri, quod aut a mare, aut a fœmina, vel ab utrisque proficiscens fœtus materia aut principium existimari possit.

Ex his observationibus multo difficiliorem reddi generationis contemplationem agnoscit; & difficultates inde orituras bene perspexit. Nam si semen masculinum neque uterum ingrediat, neque a fœmina aliquid eo illabatur quod ad conceptum  
vel

(a) Exerc. 6. de Gen. Animal. (b) Exerc. 68. (c) De Gen. Animal. Exerc. 49.



vel ovum uterinum constituendum contribui queat, unde ergo quærenda erit ejus origo? Hic hæsitat Egregius Vir & sententiam suam ut conjecturam tantum proponit: Uterum nempe putat a masculino semine quasi contagio aliquo affici, unde fecundus reddatur, quemadmodum ferrum magnete tactum vi hujus dotetur. Porro (a) analogiam quandam inter uteri & cerebri conceptus instituit, & quærit, an quemadmodum oculis videmus & cerebro cogitamus, sic etiam & fœmina utero concipiat?

Nemo non videt hanc sententiam nihilo plus intelligi posse, quam eam, quam Hippocrates atque Aristoteles proposuerunt. Quamobrem pluribus eam verbis exsequi haud è re nostra esse existimamus: adversatur etiam ea celeberrimorum quorundam Anatomicorum observationibus, quæ testantur masculinum semen non tantum in Utero, sed & in tubis fallopianis fuisse repertum: sed cum de hac re in sequentibus, uberior agendi erit locus, diutius his immorari non licet.

Quum ergo memoratæ sententiæ conceptus vel ovi uterini originem prorsus obscuram relinquant, quæramus, an non in fœminis præexistent ova, quæ congressu maris fœcundentur, quemadmodum & in Gallinis evenire certo novimus. Hæc opinio jam fere per seculum invaluit apud celeberrimos Anatomicos & Physiologos: operæ ergo pretium fuerit, huic considerandæ plus temporis impendere, resque paulo altius repetere.

Constat ex Anatomia (b) duo Corpora Sphæroidæa utero lateraliter annecti, quæ a veteribus pro testibus muliebribus habita fuerunt: horum testium structura interna adeo intricata est ut ea vix verbis describi queat; in eorum tamen superficie, sub crassa membrana cingente apparent vesiculæ liquore instar ovi albuminis, ad ignem concrecente, repletæ. Has vesiculas, jam Vesalio (c) cognitæ, ova primum vocarunt Steno, Van Horne & Swammerdam; & inde Testes

(a) Cap. de Concept. & passim. (b) Boerh. Instit., Winsl. Traité de bas Ventre. (c) Corpor. hum. Fabric. lib. 5. cap. 15.



stes etiam, ubi continentur, Ovaria. Ex horum, atque propriis observationibus Regnerus de Graaf elicit, hæc eidem usui esse dicata, cui ova in ovariiis avium sunt; quemadmodum enim hæc nequaquam perfecta censenda sunt ova, sed tantum primordia & rudimenta, quæ postea in Matrice Gallinæ perficiuntur, sic etiam Ovula in fæminarum ovariiis reperia, revera erunt primordia illorum in utero, quæ perfecta fætum continent.

Cum hac Hypothesi conveniunt observationes de ovariorum (*a*) differentiis captæ in diversis ætatibus; nempe in pubescentibus & in ætatis flore constitutis; ea solent esse lævia, mollia, glabra, globosa; in ætate vero provectiore & vetulis exigua, scabra, duriora. Quin etiam hoc notatu dignum, præter memoratas vesiculas in ovariiis inveniri adhuc globulosum aliquod corpus (*b*) glandiforme & lutei coloris; unde communiter corpus luteum appellatur. De Graaf (*c*) equidem globulos solummodo descripsit, glandulas conglomeras referentes, eosque non omni tempore, sed tantum post coitum celebratum reperiri, ait: constat tamen è Malpighii, Santorini aliorumque observationibus luteum hocce corpus non solum in pregnantibus atque puerperis, verum etiam ante coitum, & quidem in intactis (*d*) Virginibus reperiri; ita ut hinc liquere queat, non illud demum congressu maris excitari, vel ad maturitatem pervenire, sed omnibus iis adesse, quibus corpus bene est constitutum, prolique concipiendæ aptum. Tale verò neque in Tenellis ante pubertatis tempus, neque in Decrepitis invenire liceat. Præterea vesiculæ in ovario raræ admodum aliquando sunt, præcipue cum (*e*) corpus luteum in perfectum excrescit, tum enim totam fere ovarii cavitatem occupat.

Qui ad ovorum systema accedunt, non facile inter se conveniunt quidnam certo ovum sit dicendum, aut è quibus id com-

(*a*) De Graaf de Organ. Mulier. cap. XII. Santorin. Observ. Anatom. cap. XI. Sect. 14. (*b*) Malpigh. Epist. ad Spon. (*c*) Loc. cit. (*d*) Santorin. loc. cit. (*e*) Malpigh. ad Spon.



componatur partibus: nam Steno, Van Horne & De Graaf, quibus etiam Ruyschius (*a*) accedit, vesiculas concrescibili humore plenas vera ova esse ajunt, quæ postremò sæcundentur. Malpighio, Santorino, Morgagno &c. magis placuit in corpore luteo, quam in vesiculis quæritare ova: Vesiculis interim, varii varios usus adscribunt; ipsi suffragatores lutei corporis, quod hujus, & vesicularum sit verum officium adhuc quærunt. Argumenta, quæ contra vesiculas adferri solent, & diversa quæ de harum & lutei corporis usu, dicta sunt, utpote meo scopo minus convenientia sicco pede transilio: Ex illis quæ de structura jam memoravimus, notescet, quibus præcipue hæc disputatio innitatur fundamentis: neminem sane mirari subeat tantum in hac re subtilissima dari dissensum circa diversa hæc corpora in ovario; hæc enim inter ea sunt quæ, fatente ipso Accuratissimo Santorino, (*b*) per Anatomen vix innotescunt.

Ubique vero delitescit ovulum oportet, ut ex ovario exitum inveniat & ad uterum deferatur.

Sed jam insignis questio nascitur: Quomodo propellantur ovula? obstant enim valida membrana ovarium cingens; Vesicularum magnitudo, quæ haud parvam aperturam ad facilem transitum postulant; ipsæ quoque vesiculæ satis firmiter substantiæ ovarii innexæ sunt. Sed quamvis membrana hæc externa impervia videatur esse, non tamen idcirco ovulorum existentia, eorumque per illam transitus pro figmentis haberi debent. Sic enim (*c*) viperis iisque serpentibus ea deneganda forent quæ tunicam ovarii imperviam habent; certissimè tamen patere in illis cum opus sit, ovis insignis etiam magnitudinis, abundè constat.

In mulieribus præterea, quæ pepererunt, vestigia quædam (*d*) vel Cicatrices in ovario sæpe visuntur, per quas transiisse ovula credibile sit. Quin imo Egregius Santorinus corpus ipsum luteum (*e*) per hiantem tunicam se vidisse refert: Clarissimus Noort-

(*a*) Adv. Dec. 3. (*b*) Loc. cit. (*c*) Morgagn. Adversar. Anat. 4. Animadv. 29. (*d*) Swammerdam. Mirac. Natur. (*e*) Loco citat.



Noortwyck (*a*) quoque in ovario mortuæ gravidæ non solum cicatricem manifestissime vidit, sed insuper poros etiam diversæ magnitudinis, in superficie ejus apertis osculis hiantes; per quorum maximum introspicere in cavum potuit. Non tamen omni tempore hæ cicatriculæ conspectui sese offerunt; sæpe enim nullæ omnino, in nonnullis minimæ, in plurimis vero eleganter conspicuæ (*b*) videntur. An rupturam vel dilatationem saltem circumpositæ membranæ vestigia hæc indicant? Incertum. Ruyschius (*c*) aperturam tantummodo dilatatam oris vere præexistentis admittit. Santorinus (*d*) hanc cicatriculam non agnoscit pro vera cicatrice vulneris conglutinati. Noortwyck è contrario affirmat se vidisse foveolam omni dote cavam referentem cicatricem, qualis ab ulciculo male sanato remanere solet. Quod vero ad vesicularum magnitudinem attinet; hæc nihilo plus difficultatis adferre videtur, quam fætus magnitudo proportionem ostii uteri per quod transire debet. Denique vesiculæ (*e*) quamvis firmiter ovario sint innexæ, solvi tamen posse apparet exemplis placentæ in utero, fructuum in arboribus & potissimum ovorum in avium ovariiis quæ licet firmiter singula inter se cohæreant, facile tamen posse dissolvi quotidiana nos docet experientia.

Sed dici potest ex ovariorum situ necesse fieri debere, ut inde propulsa ova in abdominis cavum delaberentur: sed ne hoc contingat, atque ne a via sua in uterum aberrant, Tubæ uteri Fallopianæ appropriantur huic usui, ut ea ova recipiant, atque ad uterum deferant: Quæ tubæ sunt duo insignes (*f*) canales membranosi ex fundo uteri transverse prodeuntes ad pelvis latera, & sensim se dilatantes ad extremitates usque, quæ fimbriis membranaceis ornatae sunt; ductus eorum serpentinus quodammodo, & extremitates majores versus ovaria recurvantur; Apertura in uterum minima, ut filum serici majus vel minus admittat, extremitas altera diametrum quatuor linearum vel

(*a*) Anat. Hum. Uter. gravid. pag. 8. (*b*) Santorin. ibid. (*c*) Advetfar. Decas. 3. (*d*) ibid. (*e*) De Graaf de Mulier Organ. cap. XIV. (*f*) Winslow Traité de bas Ventre No. 607.



vel ultra habet. Hæ ovarium extremitatibus suis, fimbrias referentibus, amplectuntur, ovulumque inde propulsum excipiunt atque ad uterum deferunt, ut creditur. Sic igitur tubæ hæ quodammodo analogæ esse videntur oviductibus avium. Præter hanc analogiam hoc munere dotatas esse tubas verisimile redditur ex eo quod in aliis animalibus viviparis accidere observatur; nempe in brutis haud raro tubarum extremitatem tam accuratè ovaria amplectentem invenit De Graaf (*a*), ut quidquid ab his prolaberetur, necessariò in illarum cavitationem incidere debeat: Vir idem præclarus in multis quadrupedibus expansionem membranaceam, quæ quidem non est fimbriata ut in hominibus, eodem modo formatam offendit ut oviductus infundibulum, quod in avibus vitellos excipit: Hoc etiam pulchre videre licet ex Tabulis suis xv. & xx. cum xviii. comparatis.

In mulieribus etiam Tubam ovario aliquando adhæsisse exemplis docemur. Littrius (*b*) in gravida subita morte erepta octavo post conceptum mense tubam sinistram ovario applicatam eique adhærentem invenit. Tubæ hujus testibus agglutinatæ exemplum præbet Graafii (*c*) Tab. xix. fig. 1. Quod equidem præter naturam contigit: Profecto fimbriatum hoc ornamentum morbosum quoque interdum evadit; quemadmodum & ipse testatur se hydatides (*d*) & ipsos etiam calculos eidem adhærentes vidisse: Exemplum hujus quoque nuper communicavit nobiscum Doctissimus Vir Petr. Camper M. D. in quo nobis videre licuit plicās durissimis lapillis refertas.

Ova vero per has tubas ad uterum deduci vel inde imprimis verisimile videtur, quod & ova & ipsi etiam fætus in earum capacitate sæpe deprehensi fuerint.

De Graaf Cuniculorum (*e*) generationis historiam tradens; ait se, non solum tubarum expansiones undique amplectentem ovaria, verum ipsamet etiam ova tertio post coitum die in ipsis tubis vidisse: ipforum etiam fætuum in tubis inventorum  
multa

(*a*) De Mulier. Org. Cap. 14. & 16. (*b*) Memoires de l'Acad. des Sciences 1701. (*c*) De Mulier. Org. (*d*) Ibid. Cap. 14. (*e*) Ibid. Cap. 20.



multa & varia prostant exempla in actis Philosophicis Anglicanis & Gallicis; & apud auctores alios plures; quorum hic meminisse, instituti ratio prohibet: Non tamen possum, quin Riolani (*a*) testimonium adferam & nuperrimum Clar. Santorini. Ille memorat fætum pollicis longitudine & crassitie bene conformatum in uteri cornu inventum, mense graviditatis septimo: Hic vero, solita cura & elegantia refert historiam (*b*) fætus membranis cum humoribus inclusi, a se reperti in tuba uteri ad mensem graviditatis quintum. Quin etiam Harvæus (*c*) meminit se fætum in tuba conspexisse, quamquam eum ab ovario eo deductum nequaquam credidit; tantum observat, quemadmodum alia animalia in cornibus uteri concipiunt, ita & mulieres aliquando repertas, quæ in cornu sive tuba illa gesserunt fætum. Exemplorum (*d*) etiam quæ fætus in abdominis cavo repertos docent, copia suppetit; qui vel è ruptura tunicarum tubæ vel ex ipso ovario, ut creditur, exciderint in abdomen, in quo tandem plus vel minus incrementi cæperint.

Omniū horum fætuum origo, secundum ovorum systema inde ducitur, quod ovum in transitu ad uterum impediatur (quocunque id tandem casu fiat) atque demum incrementi tantum capiat, quantum ratio partium salute matris permittere potuit: quantum vero valeant hæ observationes, ut fætuum dictorum primordium ab ovariis prodiisse credamus, liberum esto iudicium: saltem id licebit animadvertere, diversam eorundem rationem aliquando reddi posse, ut ex Harvæi verbis modo allatis patet.

Ast, si fætum in ipso ovario inveniri posse constaret, originem ejus ibi fuisse, quis est quæso, qui in dubium vocare poterit? si fas tamen aliorum observationibus semper fidem dare; en unum memorabile illud hujus rei exemplum a Littrio (*e*) propositum in actis Academiæ Scientiarum Gallicis, quod

(*a*) Anthropogr. Lib. 2. Cap. 35. (*b*) Sant. Obs. Anat. Cap. xi. Sect. 15. & Tab. 2. fig. 3. (*c*) De Gen. An. Exerc. 65. (*d*) Dionis. Anar., Zod. Med. Gallic., Littr. in Actis Acad. Scient. 1702. &c. (*e*) Ibid. 28. Mai. 1701.



quod hanc rem evincere videtur: Reperit ille in ovario sinistro vesiculam, quæ fætum continebat longitudinis trium linearum, & crassitie sesquilineæ, internæ parti vesiculæ alligatum funiculo longitudinis sesquilineæ: in fætu hoc caput, oris loco aperturam exiguam, nasi, eminentiam parvam, & plures in trunco eminentias optime distinguebat. Hæc Littrius: sed parum huic observationi tribui posse, aparere poterit ex ejusdem anni historia Academiæ, in qua Clar. Fontenellius, hanc historiam memorans, egregie observat; Anatomicos, ut suæ semel receptæ hypothese faveant, ea etiam videre, vel saltem imaginari sibi se videre, quæ revera in rerum natura non sunt.

Fætuine tantæ exilitatis descriptio hæc convenire queat? grandiori sane fætui nullum fere vestigium nasi aparere, in sequentibus cum de Embryonis diverso statu agamus, facile patebit.

Quod tubæ se applicent ovariis, & ovula excipiant, plerumque orgasmo venereo tribuitur: At quum de Graaf ova exisse ovario aliquot diebus post coitum statuit; difficultas iterum oritur; quomodo id contingat, cessante jam orgasmo. An dicamus vim orgasmi tempore communicatam tamdiu durare, ut virtute hujus, tubæ ovariis adhuc cohærere valeant? An potius alio quodam modo fieri dicendum est? Multorum fert sententia ova sibi exitum parare tempore ipso congressus; Santorinus tamen ex structura tubarum (a) accurate examinata, ubi mirum illum plexum nerveum in alis vespertilionum præcipue notat, non solum ostendit quomodo se applicare possint ovariis, verum etiam eadem vi quoque applicationem earum perdurare posse, quamdiu necessarium fuerit. credibilis sane res ita efficitur. hoc idem illustrat ex distensionibus nervorum in mulieribus ab odore quopiam afflatu excitatis, quæ sæpe etiam pertinacissime perseverare solent.

Sic jam ovum perduximus ad uterum; nihil vero adhuc de modo, quo prolificum reddatur a nobis in medium allatum; quare pauca de hoc etiam adjiciamus. Quum enim solius fæminæ opera produçatur ovulum, quærendum est, qua ratione  
a con-

(a) Cap. xi. Sect. 17.



a congressu maris virtutem acquirat, ut ex eo fœtus oriatur, quæ hujus fœcundatio vocatur. In avibus (forſan & in hominibus) dantur ova ſubventanea, quæ etſi fœcundis quam ſimilima, horum virtute productrice (liceat ſic loqui) deſtituuntur. Quid tum conferet ad hoc opus mas? Fæminane nil præter ovulum conferet? quis exputabit? Obſervationes Harvæi in Gallinaceorum generatione probabile reddunt maſculinum ſemen non attingere ova ipſa in ovariis avium; quis tamen dubitet ea ibi fœcundari? tanta certe ſeries horum uno coitu fœcundari ſolet, ut ea quoque fœcudentur, quæ omnem plane aciem viſus fugiant. Conformatio partium in mulieribus fere ſuaderet maſculinum ſemen nec ad ovaria uſque poſſe perſtingere; ſed ſic eoſque perſtingat, quomodo, obſervante Graafio (*a*), poſſit tranſire craſſam ipſius ovarii tunicam; ille tamen in ovariis fœcundari ovula ſtatuit; unde, ad auram quandam ſubtilem è ſemine, per hujus tunicam, tranſpirantem ovulaque ibi irrorantem, confugere coactus fuit, quæ ea demum prolifica redderentur. Malphighius (*b*) in tubis fallopianis fœcundationem contingere exiſtimat, & ovulum in eas intrare ipſo tempore organiſmi venerei; ait enim receptum ab ovario media tuba ovulum ſufficienter irrorari poſſe, & energetico illo maſculini ſeminis ſpiritu fœcundari, a quo motus principium manifeſtari incipit.

Fæminam jam nequaquam fœcundam evadere è ſubſtantia feminis, cum materia quam ipſa confert, mixtura, conſentientes habemus Ariſtotelem, Harvæum, De Graaf, Malphighium cum aliis; quorum plurimis ſemen ipſum intrare in uterum haud probabile viſum fuit. Contra hæc tamen teſtimonia quædam extant de ſemine tam in utero quam in tubis reſperto; quorum Ruyschii & Leuwenhoeckii quædam, miſſis aliis, proponere operæ pretium fuerit.

Leuwenhoeckio ſane debemus Celeberrimam de Animalculis in ſemine maſculino obſervationem, de qua ſuo loco dicemus; nunc de ſemine tantum in utero & tubis reſperto agendum. Ille

Ca-

(*a*) Ibid. Cap. 14. (*b*) Epist. ad Spon.



Canis (*a*) post coitum interemptæ matricem examinavit, nihil tamen feminis nudo oculo videre potuit; at quum bonum adhibuerat microscopium immensam viventium animalculorum multitudinem detexit & in tubis & matrice; quæ, animalcula fuisse spermatica determinat. Confirmat se hæc sæpius vidisse in epistola ad Leibnitzium (*b*): Complures, ait, cuniculos & nonnullos canes, variis abhinc annis coire curavi; absoluto coitu matricem & tubas fallopianas compluribus in locis aperui; exinde modicum, quod illic erat, materiæ ex utrisque eximi & animalcula isti materiæ innatantia, & vivida vegetaque, adstantibus ostendi. His adjicit, nunquam vero ex illis fictitiis & imaginariis ovis vel unicum in tubis offendi. Ex his sequi videtur substantiam feminis adesse in tubis & utero posse, quamvis sub forma ejus non conspiciatur.

Ruyschius (*c*) autem, in puella post coitum statim interempta, invenit cavum uteri & Tubam utramque fallopianam, albo, naturali atque bono semine masculino repleta: narrat idem exemplum (*d*) Mulieris in adulterio a marito deprehensæ, & ab eodem subito interfectæ, in cujus cadavere aperto, vidisse se ait uteri & utriusque tubæ cavitatem refertam semine, albo & bene cocto; aut saltem materia quæ femini virili, ad colorem & visum similis erat. Ex his similibusque arguit, auram seminalem haud sufficere, sed necesse esse, semen ipsum uterum intrare, in coitu prolifico. Idem, Novius (*e*) ait, in coitu impregnante semen magnam partem effluens, iterum dimitti, in ipsa tamen matrice remanere semen crassum fecundatum sufficiens, certo scio.

Celeberrimus Borellus quoque de motu animalium, (*f*) virile semen nil præter vim motivam ovo conferre admittere non potest; quam sententiam & ipsius Malpighii observatione probari ait; hic enim in omnibus ovis a semine galli irroratis, reperit carinam seu Authoma Pulli, simile gemmæ

OVO-

(*a*) Oper. Tom. 1. part. 2. pag. 153. (*b*) 28. Septembris 1715. (*c*) Advers. Dec. 1. (*d*) Thesaur. Anat. 6. (*e*) Advers. Dec. 3. (*f*) Part. 2. Prop. 185.



ovorum plantarum; at in ovis subventaneis ait se nullum vestigium Authomatis animalculi reperisse in medio cicatriculæ; sed tantum succum informem & molæ similem: quare concludit Borellus, carinam, quæ in fæcundis ovis reperitur, esse opus superadditum a substantiâ feminis virilis, ibidem admixtâ & conglutinatâ.

Santorinus (*a*) ingressum feminis in uterum nondum evictum esse, ut quibusdam videtur, existimat; è contrario ex repetitis observationibus pene oppositum sibi constare pronunciat: quum enim humorem semini similem, album, viscidulum ac quasi spumeum non in puerperis duntaxat, sed & in aliis compererit; ac præsertim in quadam honestissima muliere, quæ ob diros intestinorum cruciatus dirupto tertio die intus aneurismate decessit; in cujus utraque tuba tantum illius laticis repertum, quantum quisque fortasse, illius sententiæ fautor, seu spermaticum humorem traduxisset. ab hoc exemplo vero laticem illum, semini similem, perquam diversum esse dicendum restat.

Quid jam inter tot dissidentes opiniones sentiendum est? An Leuwenhoekio præbeamus assensum, qui substantiam feminis masculini utero inesse, quamquam a nobis videri nequeat, dicit? Profecto nihil equidem obstare videtur, præsertim si sententiæ ejus de generatione fidem dare voluerimus.

Hanc sententiam & observationes suas de femine masculino licet nunc paucis verbis proponere.

Leuwenhoeckius microscopiis suis maxima arte confectis, semen diversorum animalium & etiam hominis exploravit; in hoc incredibilem & immensam plane multitudinem Animalculorum minimorum observavit: corpus hæc habent rotundum quodammodo, cum annexa cauda ita ut forma Gyrinis haud absimilia sint; celerrimè hinc inde moventur; quum autem paulo diutius aëre frigidiori exposita fuerê, lentior non modo incipit fieri motus, sed omnino cessat: quemadmodum etiam statim ab initio observari solet lentior motus in seminibus eorum qui procreationi inepti sunt, vel lue venerea laborant.

Præ-



Præcipuam constituere causam generationis hæc animalcula credidit Leuwenhoeckius; nempe in unoquoque tali animalculo latitare hominis rudimentum; quod utero fæminæ receptum, ibidemque enutritum, decursu tandem temporis explicet se in completum fætum; talia scilicet (*a*) in his animalculis lineamenta vel partium rudimenta esse, quæ in animal perfectum & origini suæ congener excrescere queant. At non solum existimat hæc animalcula sibi primordium fætûs in uterum deferre; sed etiam membranas quibus inclusus jacet. Ergo ex ejus mente membranæ hæ, quas secundinas (*b*) vocamus, non dependent a matribus, verum ab ipsis animalculis in uterum infusæ sunt, eoque perlatae in eum tantum finem, ut augmentum nutrimentumque caperent. Ulterius pergit Leuwenhoeckius & inter hæc animalcula existimat etiam diversitatem sexûs a se conspectam, nempe masculos & fæmellas quorum opere nova adhuc generantur animalcula; multas porro conjecturas miras de his in operibus suis proposuit.

Fatemur enimvero a nemine posse in dubium vocari existentiam horum animalculorum, qui semina animalium microscopiis attentè contemplantur. Occasio nuper sese mihi obtulit, cum quibusdam amicis, semen masculum cuniculi & canis explorandi; in prioris semine nullus conspiciebatur motus; sed in canis semine infinitum pene numerum animalculorum aut saltem his simillimorum videri licuit, quæ celerrime hinc inde movebantur; cæterum, cum Leuwenhoeckii descriptione factis conveniebant.

Jam hic nascitur quæstio non facile resolvenda. Anne aliquo in generatione munere hæc animalcula funguntur & quonam? an in his lateat primordium hominis, quod utero receptum versus ovarium tendat, donec ovulum reperiens, illud intret tanquam suum domicilium, ibi hæsurum, donec operi nutrimenti a matre suppeditati in perfectum se explicet fætum? Ita fane quibusdam videtur. An vero domicilium vel involucrum, secum apportet secundum Leuwenhoeckium?

vel

(*a*) Epist. 41. (*b*) Epist. 116. ad Soc. Reg.



vel an omnia hæc eleganter solummodo ficta sint, & an potius hæc animalcula ejusdem sint naturæ cum illis, quæ ope microscopiorum in aliis liquoribus etiam deprehenduntur, quæ tamen nihil analogum habent cum semine? Profecto non desunt, qui se animalcula horum simillima & in aliis corporis humani partibus detexisse dicunt.

Hæc in medium dare volui de prima generatione varia judicia, hypothesebus plerumque, ut credere fas est, nixa. Nec sane id mirum; quum ea etiam quæ sensibus nostris quotidie obversantur, oculosque nostros potenter feriant, examini subiecta hypothesin tantum post se relinquere soleant; quid quæso contingere debet in iis quæ in puteo quasi profundissimo & alta caligine, natura eorum, demersa jacent. Eleganter certe ut solet Sapiens Harvæus; Neque minore fere negotio, intima generationis Arcana, & obscura principia, quam mundi totius compagem & creationis modum, inveneris. In tanta incertitudine rerum in tanta opinionum dissensu, cui tandem systemati assensum præbeamus? enimvero ignorantiam hic fateri melius, donec aliquid firmitus excogitatum fuerit, quam conjecturis se pascere, forsân a levi aura facilè diffandis.

Monuimus in superioribus, id quod post primum in utero conceptum nobis sese offert, esse principium quoddam naturæ & formæ vel maxime conveniens cum ovo oviparæ; unde etiam haud injuria nomen ovi ei inditum.

Quocunque demum modo hoc principium generetur, id enim, ut monuimus, nulla firma ratione colligi potest, omnes tamen in eo consentiunt ut analogiam ovi hujus cum ovipararum ovis non tantum quoad formam & figuram, verum etiam naturam & usum, agnoscant. Pullus hæret in ovo ita Embryo in conceptu sive ovo uterino; & si pauca excipias eodem fere modo & ordine producitur Embryo in utero, quo Pullus in ovo.

Hoc positum, ovum uterinum esse principium aliquod fecundatum habentem, quod ab utroque parente ad fætum producendum necessarium sit; fac, quædam de structura & fabrica hujus ovi, conferamus in medium: hæc ut melius intelli-



gantur oportet ovum eligamus majusculum & provectioris ætatis; tum enim partes distinctiores melius examinari queant. Hæret vero ovum liberum in initio certe, nulli uteri parti annexum: ipse uterus laxus, mollis & spongiosus: incipit tandem ovum ei adhærere, in parte ejus superficiei, interventu massæ cujusdam carneæ, quam placentam a forma uterinam vocant. Si tum propius examinatur, è duabus id constare membranis videtur, quæ constituunt folliculum clausum plenum humore quodam subtili: in hoc pendet Embryo ope funiculi internæ parti membranarum affixi, eo loco ubi cum utero cohæret ovum interventu placentæ; cæterum undique liber, mobilis, in liquore natat.

Membranarum exterior Chorion appellatur, seu quod sit Embryonis *χώρημα* hoc est conceptaculum, seu quod ei *χωρηγεί* hoc est suppetat, (a) alimentum. Secundinas in genere quidem, hoc nomine intellexerunt aliquando veteres. (b) Totum hæc ambit ovum, cujus figuræ cavum uteri se accomodat, ita ut tota Chorii facies externa concavæ (c) uteri contigua reperiatur; in principio ut jam diximus minimè cohærens cum utero; postea demum ei adhæret quam proximè ope substantiæ veræ Cellulosæ, & filamentis vasorum innumeris ex Chorion in uterum porrectis; quæ cohæsiō in hoc quam alio loco firmior, in genere autem ita lævis ut exigua vi solvi possit. Membranam si ab utero separatam spectemus, crassa, alba, & spongiosa reperietur; interna ejus facies lævis & glabra; externa inæqualis quodammodo & rudis videtur ob superstitēs quasdam reliquias cellulosæ substantiæ, atque vasorum laceros fines quorum ope matrici antea adnectebatur. Tota membrana vasis sanguiferis copiosissimis instructa, quorum alia in uterum porrecta sunt, alia in placentam minimis furculis (d) desinent. Commode satis dividi potest in duas membranas (e) quarum exterior spongiosa est, interior

(a) Henr. Steph. Vocab. Med. Exposit. ex Galen. (b) Adr. Spigel. de Format. Fœt. cap. 4. (c) Noortwyk Anat. Hum. Uter. Gravid. (d) Spigel. loc. citat. (e) Rohault, in Actis Acad. Sc. 1714.



rior magis membranosa. Hanc membranam urinariam aliqui crediderunt. (a)

Quod attinet ad interiorem membranam communem, ea Amnios vocatur; quod nomen ei primum inditum ab Empedocle; nempe ab Ἀμνός, (b) quod Agnum significat. Contiguam hanc priori, eique leviter annexam (c) interventu substantiæ cellulosæ, simili fere illi qua altera utero cohæret, notarunt Anatomici. Impregnationis initio Amnios quidem a Chorion distat & vesiculam format per se, ut ex Harvæo & Graafio discimus; sensim post sic se dilatat Amnios donec tandem Chorion cohæret; cohæsiō hæc tamen laxa & facile solubilis est. Tenuissima sed & insigniter pellucida est amnios; in ejus superficie hætenus equidem nulla vasa conspecta; in homine scilicet; in brutis quibusdam enim visibilia sunt: Portionem membranæ Amnios ovinæ mihi videre licuit cujus vasa ab expertissimo D. Liberkuhn Berolinensi pulcherrimè materia rubra impleta, in qua insignis vasorum numerus, & longè major ope microscopii conspiciebatur. Humor his membranis inclusus reperitur limpidus & subviscidus; quantitas ejus proportionem minuitur ultimis gestationis mensibus: conservat hic humor partes fœtûs molles & laxas, impediens concretionem ejus cum membranis; natatque in eo Embryo liber ab omni inæquali pressione.

Ope vero Funis, qui umbilicalis, & a Celso simpliciter umbilicus dicitur, pendere Embryonem ab interna parte membranarum superius jam diximus. Umbilicus (d) e tribus vasculis constat ex Abdomine fœtûs prodeuntibus, instar spiræ inter se contortis, sepimento (e) tamen quodam divisis, crassaque membrana communi cinctis. Vasorum duo, arteriæ, tertium, vena est. Illæ suum ortum debent Iliacis internis vel Hypogastricis arteriis, hæc se in sinum venæ portarum terminat. Longitudo umbilici varia vario gestationis tempore est.

(a) Needham. [Hoboken. &c. (b) Henric. Stephan. ibid. ex Ruff. Ephes. (c) Noortwyk Anat. Hum. Uter. Gravid. (d) Heister. Comp. Anat. (e) Noortwyk. ibid.



est. Vasa umbilicalia ad Chorion perventa, hoc miris anfractibus perreptando placentam tandem ingrediuntur.

Hæc, veteribus Hepar uterinum dictum, massam constituit quandam orbicularem, uno latere ovo, altero vero utero annexam; cum utero cohæret copiosissimis vasis quorum aliqua magna satis & patentia sunt; superficies hæc etiam inæqualis, eminentiis & cavitatibus prædita, reciprocis in utero respondentibus; quibus firmiter ei annectitur. Ruyschius (*a*) existimat hocce etiam latus uterum respiciens obduci parte membranæ Chorion; sic ut Placenta in utraque ejus superficie Chorion tegatur; quæ perforetur vasis inter uterum & Placentam procedentibus. Ita profectò videtur plurimis. Sunt vero, novimus, quidam, etiam maximi nominis inter Anatomicos, qui aiunt membranam hanc Ruyschianam Chorion referentem, fuisse non nisi coagulatum aliquem sanguinem, qui ibi concretus Ruyschio imposuisset. Constat verò Placenta ex congerie vasculorum quorum alia in miram plane subtilitatem abeunt: succus item nutritivus & sanguis a matre receptus, in hac circulationi commissus, ad fætum deferitur per arterias umbilicales, superfluis succis iterum redeuntibus per venam umbilicalem ad matrem; sicque continuò perficitur admirabilis hæc materni sanguinis cum fætu communicatio & circulatio: vasorum tamen ab utero venientium reptatus in Placenta & Chorion antequam ad umbilicum perveniant adeo intricatus est, ut nemini adhuc contigerit esse tam felici, qui materiam etiam subtilissimam in arteriis matris injectam, ad umbilicales fætus arterias adigere potuerit; et quamvis mercurius, (*b*) per arteriam carotidem canis infusus, per ipsius uteri os abunde efflueret, non tamen quidquam ejus mercurii penetravit ad vasa umbilicalia fætus, quem ea canis tum gesserat. Materies tamen per ramum arteriæ Iliacæ matrici immissa ab Expertissimo D. Noortwyck (*c*) in ipsa vasa, Placentæ & Chorion profun-

(*a*) Thesaur. X. (*b*) Monro in Act. Med. Edinburg. Tom. 2. Art. 9.  
 (*c*) Ibid.



funde penetravit. Monenda jam forent quædam de Embryonis in ovo statu & conditione, sed cum generalis ejusdem descriptio haud facile dari possit ob variam ejus figuram variis a conceptu temporibus, & quoniam postea pauca de eo dicendi præbeatur occasio, quæstionem eam, hic mitamus.

Haud abs re fuerit quædam in medium etiam tulisse de mola quæ ex imperfecta generatione oriri creditur: massam esse carnis informem & inutilem in uteri capacitae conceptam, auctores (a) perhibent; cujus figura varia nullam legem, vel ordinem servet: species variæ ejus enumerantur, carneæ, membranosæ, humorales &c.; originem earum conceptui quodammodo depravato adscribunt. Miræ certe de his fabellæ narrari solent. Nos quidem eas depravato conceptui adscribere haud possumus induci, quoniam & in illibatis virginibus, quin etiam vetulis inveniuntur; ut ex observationibus Ruyschii (b) discimus. Doct. Trioen (c) etiam narrat se vidisse molam ad minimum sesquilibræ propria sua membrana vestitam a sancta virgine, vitæ integerrimæ, utero rejectam, quam inquirens, pedunculo matrici annexam fuisse & sarcomati simillimam reperit. Sarcomatis talis membranæ uteri interiori adherentis ope pedunculi figuram delineatam exhibuit (d) Ruyschius. Molas vero originem suam communiter debere ovo degenerato, Placentis vel membranis in utero post abortum relictis, credibile est; moritur nempe casu Embryo in ovo, membranæ ejus augmentur coagulato sanguine, quæ utero expulsæ informem massam carneam vel membranosam perfecte simulant: quale exemplum videre licet apud Trioen Tab. V. fig. 3. Alias etiam, cum Embryone in medio, exhibet, huic, ut ovum ovo similes excepto solo vermiculo vel Embryone, quo illa prædita, hæ vero destitutæ; (e) has posteriores ova esse Sterilia existimat Clarissimus vir. Nonne autem credibile videtur, in his resolutum solummodo fuisse, (remora in utero)

Em-

(a) Rod. a Castro de Morb. Mulier. Lib. 3. Cap. 7. (b) Observ. 58.  
(c) Observ. pag. 73. (d) Observ. fig. 49. (e) Trioen Observ. ibid.



Embryonis tenellum corpusculum. Placenta post abortum relicta, figura & consistentia sua tali modo quandoque mutatur, ut molam etiam referat: hic Mulierculæ Ranam, Talpam vel aliud quodvis animal quandoque se videri credunt. Haud raro contingit etiam ut Placenta provectioris jam fætûs in Hydatides aliquando degeneret; & tum molæ humoralis nomine venire potest: hujusmodi existimem fuisse illam a Tulpio (a) memoratam. De Placentis in molis degeneratis videre potest Ruyschii Observ. XXVIII. Sanguis in utero retentus & coagulatus, quum sic expulsus, molam, etiam simulat; quemadmodum & arte talis substantia parari possit ex solo sanguine, quæ membranofam referat, & quæ aqua etiam abluta, membranæ albæ speciem relinquat. Hujus naturæ esse pelliculosam seu membranofam molam, quam Rod. a Castro (b) describit, credere fas est. Tales molas ex sanguine coagulato ortas delineatas exhibet Ruyschius fig. XXVIII. & XXIX. (c) Ex his verosimile admodum videtur molarum originem neutiquam tribuendum esse conceptioni depravatæ.

Ex his quæ hætenus brevi penicillo delineavimus de ovo ipso, Generatione ejus, Structura ejus &c. satis videre licet plurima adhuc de his desiderari; missis enim aliis, nexus ille vasorum ovi cum Placentæ & Uteri vasis tam miris flexibus implicitus est, ut nemini adhuc contigerit, illum adeo feliciter extricare, ut inde circulatio humorum inter matrem & fætum evidenter explicare queat.

Eadem, de Embryonis magnitudine & figura diversis ab impregnatione temporibus, incertitudo observatur. Multos videmus Embryones paucorum dierum, descriptos & delineatos, suis jam omnibus partibus instructos; dum alii oculatissimi etiam Anatomici Embryones hujus ætatis rudem tantum & indigestam quandam molem constituere observârunt. Difficile profecto Embryonis statum determinare: nec hoc mirum videri debet, cum momentum conceptus dignosci certè nequeat:

(a) Observ. Lib. 3. cap. 32. (b) Ibid. (c) Observ. 28. vide & Noortw. pag. 120.



at: diversum etiam ejusdem incrementum, pro varia ratione virium matris & fœtus &c., quemadmodum & adultiorum incrementa multum inter se differunt; difficultatem horum adauget quoque Embryonum abortus, qui priusquam utero excludantur, vitam plerumque per aliquod tempus amiserunt.

Determinare etiam vix potest, quæ sit pars ea animalis, quæ primum ex semine genitali prodit vel quomodo in ovo uterino producatur Embryo: quæ nihilo facilius, quam ipse primus conceptus quidem explicare possunt.

Philosophi quum è nullis mechanicis legibus intelligere possent animalis ortum, & creationem interea novam admittere noluerunt, coacti demum fuerunt eo confugere ut seminum omnium animalium & plantarum etiam præexistentiam adstruerent: existimant nempe latitare in his feminibus futuræ prolis primordia, suis jam omnibus partibus & numeris absoluta; quæ femina generatione demum evolvantur, & explicantur donec ad debitam parentum suorum formam perveniant: persuaderique sibi conantur in singulo animali existere jam totam seriem nepotum ex ipso nasciturorum per omnia secula; adeoque in ipso primo homine præextitisse omnes homines qui jam nati vel nascituri sint; qui omnes suo demum præscripto ordine evolvantur è suis feminibus. Favere videbantur huic subtiliter limatæ opinioni observationes in plantis nonnullis, earumque feminibus captæ, in quibus planta completa conspici aliquando credebatur; unde & Animalcula in feminibus masculinis microscopiis detecta eandem perfectionem habere vero simile videbatur. Alii quidem, primordia hæc in fæminarum ovulis latitasse existimarunt: ad hypothésin tamen quod attinet, eodem res redit in maribusne vel fæminis progeniei series ponantur.

Leuwenhoeckius (*a*) in animalculo, in semine virili conspicuo, integrum latere hominem statuit, originemque horum omnium animalculorum primo homini deberi affirmat. Malpighius (*b*) simili plane ratione se primordium Pulli in

OVO

(*a*) Epist. 116. ad Soc. Reg. (*b*) De format. Pull. in ovo.



ovo fœcundo, ante ipsum jam incubatum vidisse ait; unde consequi, pergit, Pulli stamina in ovo jam præexistere, altioreque originem nacta esse.

Sed, ne diutius his, utpote parum ad rem nostram spectantibus, inhæreamus, majori cum specie veri pronunciamus, rudimentum animalis primum quod conspicitur integrum jam esse, nulla certa ratione constare posse: progressus enim Embryonis hætenus observatus, partium omnium præexistentium evolutionem, certis indiciis non ostendit; sed è contrario per Epigenesin potius generationem eam fieri videtur; id est non omnes ab initio partes fuisse simul fabricatas, sed successivè, suoque demum ordine emergere &, ut cum magno Harvæo (*a*) loquamur, Embryonem dum augetur, formari; & eundem augeri, dum formatur; partesque alias aliis prioribus supergenerari & distingui; principiumque augmentum & perfectionem procedere per modum crescendi, tandemque exoriri fætum.

Haud alienum jam fuerit pauca, de progressu & ordine quo partes Embryonis successivè producantur, hic adhuc in medium ferre, & quidem primum ea quæ ex Harvæi & Ruyschii observationibus elucere queunt.

Harvæus (*b*) in utero post conceptum nihil se unquam ad plures dies reperisse ait; sed labente primo mense conceptum sæpius rejectum, qualem supra diximus instar ovi excorticati nil præter aquam limpidam continentis se vidisse dicit. Secundo mense (*c*) in ovo excusso Embryonem aliquando, sæpe vero nullum detexit. Embryo hoc tempore, longitudine unguem minimi digiti forma vero ranulam referebat, præterquam quod magno capite & pedibus brevissimus esset; in facie nulla labia, sed largus oris rictus ad aures usque patens sese obtulit: describit etiam Embryonem hujus ætatis longitudine digiti auricularis, corpore lato, scisso ore, Cruribus & Brachiis, seu florum Apicibus noviter protrusis, occipite promi-

nen-

(*a*) De Gen. Animal. Exercit. 45. (*b*) Ibid. de Gen. Cerv. & Dam. & Passim. (*c*) Ibid. Exercit. 56.



nente, sive potius vesicula reliquo capito appensa. Ait iterum se vidisse Embryonem dierum circiter quinquaginta, (a) non majoris, quam fabæ majusculæ, longitudinis, capite prægrandi; cerebrum vero referret ipsum lac coagulatum; cranii locum occupabat membrana quædam coriacea & quibusdam locis cartilaginosa per frontem ad narium radices usque divisa; rostrum apparuit caninum, auriculæ nullæ, neque item nasus; arteriam asperam tamen in pulmones descendantem, penisque rudimentum discernere licuit: ambæ cordis auriculæ tanquam oculi nigricantes cernebantur.

Horum omnium conceptuum muliebrium, ovis similium rugosam foris observavit superficiem, gelatinâ quasi seu glutine quodam oblitam, nulla hoc tempore Placenta conspicua, vel aliqua cum matre unione detecta: omnis etiam vasorum umbilicalium per ipsam conceptus superficiem sparforum in uterum insertio oculos fugiebat.

Tertio mense Embryonem sæpe invenit omnibus suis partibus distinctum, rudem tamen forma; apparebant quidem, caput, oculi, atque artus; muscoli vero indistincti erant; ossa nulla sed eorum loco lineamenta quædam alba, & veluti cartilagine molliores. Toto hoc temporis spatio (trimestri scilicet) vix quicquam Placentæ conspiciebatur: nec ullum indicium reperire licuit, quo conceptum illum sive ovum utero adhuc annexum fuisse crederet.

Quarto jam mense Embryo pollicem longus, latusque spithamam deprehensus est; in hoc jam membra distinguere licuit sanguine etiam tincta; artuum muscoli & ossa discernebantur ipsis etiam unguibus prodeuntibus; seque ipsum valide movere jam incipit Embryo; capite prægrandi satis gaudet, in facie tamen nondum labia, buccas aut nasum ostentat; oris rictus ingens cujus medium lingua occupat; oculi parvi sine palpebris; generationi dicatæ partes in masculo æque ac sequiore sexu adhuc imperfectæ; Placenta jam auctior, mediante qua, conceptus nunc primum utero adnectebatur.

Postre-

(a) Ibid. Exercit. 69.



Postremo cutis & reliquæ partes cutaneæ perficiuntur; inter initia enim, ut jam diximus, nec Buccæ, nec auriculæ, nec palpebræ neque nasus discernuntur; omnium vero postremo linea illa, qua labia superiora committuntur, coalescit.

Ex insigni fætuum numero quorum meminit Celeberrimus Ruyschius in Thesauris suis, paucos eosque tantum, qui ad scopum nostrum vel maxime spectant, commemorare volumus. Ille etiam reperit ova uterina primis a conceptu diebus vacua; at Embryonum rudimenta a resolutione aut liquefactione in nihilum fuisse redacta existimavit. Embryonem pediculi aut feminis lactucæ magnitudine, radis indigestæque instar molis, microscopiis etiam Leuwenhoeckianis contemplatum deprehendit. Observat Embryones magnitudine æquantes semen anisi nullam adhuc formam humanam representare; in iis etiam quæ hordei mundati similes, caput æque ac artus & oculos desiderari; sed quædam rudimenta artuum, instar arenularum majorum, aut capiti aciculæ minimæ rotundæ jam posse conspici, in Embryonibus qui paulo majores & crassiores grano hordeo non mundato observantur; quo etiam tempore Capitis a reliquo trunco distinctio jam detegi potest: oculi quoque, tanquam puncta nigricantia, jam sese videndos exhibent.

Embryo magnitudine demiunciæ artuum superiorum & inferiorum rudimenta conspectui præbet, quæ caput aciculæ vulgaris magnitudine adæquant & forma fere referunt; capitulum respectu corporis maximum, & oculi distincte jam sensus incurrunt. In Embryone uncie circiter magnitudinis artus superiores inferioribus longe sunt perfectiores, digitos enim manuum luculenter, pedum vero nullos videas; crus sinistrum tuberculum ostendit quod pro femore habendum. In paulo proVectiore & majore Embryone artus omnes luculenter visuntur, nec digitis vel ipsis pupillis in oculo exceptis; hunc postremum duorum circiter mensium esse existimat Clarissimus Vir. (a)

Embryonum depictas videre etiam licet figuras perfectas ætate

(a) Vid. Thesaur. Sext.



tate multo minorum; quin etiam paucorum tantum dierum, qui omnibus jam membris instructi esse perhibentur, apud Kerckringium, Pinæum, Bianchum, aliosque plures. Attenta vero mente perpendenti Harvæi & Ruyschii observationes, figuræ eæ vix aliquam fidem invenient; fidem certe magis superabunt eorum dicta, qui in ipsis vesiculis ovarii Embryones sibi vidisse persuadere voluerunt: inficias nemo tamen mecum iverit Embryones aliquando citius sese manifestasse conspiciendos quam quidem ab Harvæo detecti fuerunt.

Nobis sane contigit esse tam felicibus, qui videre potuerimus ovum in quo Amnios formabat vesiculam intra Chorion, unico tantum puncto ei annexam, quæ vesicula Embryonis rudimentum vermiculi instar, absque ulla partium distinctarum figura, contineret.

In Embryone duorum circiter mensium, caput se nobis obtulit prægrande; oculorum loco, vesiculæ nigræ cum puncto albido in ipso centro deprehensæ; sine ullis palpebris, & sine naso, ingente tamen hujus loco ad os usque & hinc ad utramque fere aurem patulo hiato: deerant etiam auriculæ, earum loco parvis foraminibus conspicuis: pectus huic apertum, in quo pulmones etiam visi; manuum & pedum absque ullis indiciis digitorum informis habitus.

In provectiore paulo observavimus etiam distinctè tubercula parva digitos manuum supplentia; pedes tamen digitorum adhuc expertes; pectus jam membrana tenuissima obductum non tamen integrum; quum summa hujus, & inferior colli pars nondum velamine obtectæ: lingua etiam per patulum oris hiatum satis magna apparuit; reliqua ut in priore fermè conveniebant: fluitabat vero hic Embryo in Amnio pellucidissimo, crySTALLINO liquore pleno; egregie vero conspici potuit, desiderabatur enim Chorion, cujus separatio an jam in utero vel saltem tempore abortus contigerit, exputare non possum. Videndi etiam alterius Embryonis mihi data occasio, in quo primordia digitorum pedum atque manuum distinctè cernere liceret; huic jam pectus totum obvelatum, nasus tamen nondum

## 32 SPECIMEN PHYSIOLOGICUM DE GENERAT.

dum excreverat, duobus autem foraminibus narium futurorum indicibus jam obviis.

His missis verbo meminisse juvat; cur infantes in lucem exclusi sæpe membris quibusdam imperfectis prodeant? Nonne hujus ratio quærenda magis in illis quæ de progressu Embryonis observantur, quam in matris gravidæ imaginatione turbata.

Hæc sunt, quæ de Embryonis progressu in medium dare volumus. Tractatum de Epigenesi nobis promisit Clarissimus D. Noortwyck Medicus Lugdunensis; nec dubitare nos finit Egregii viri solita cura, qui nunc omnem movet lapidem in Embryonibus undiquaque sibi comparandis, quin plurimam lucem affundat huic materiæ.

De ossibus, eorumque progressu ne verbum addere licuit; hunc eleganter ut solet, exposuit, Academiæ hujus & seculi ornamentum Præclarus Albinus in Iconibus ossium fætus. Plurima quæ attinere poterant ad Generationem fætûs addenda forent; subsistendi autem necessitatem jam mihi impositam esse sentio; quamobrem etiam atque etiam a Benevolo Lectore contendo ut hæc pauca æqui bonique consulat; eaque in medium prolata esse intelligat, ut Academiæ hujus Ampissimæ legibus satisfaceret.

T A N T U M.